



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-336-3/22**
Datum: **19.07.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica JP „Vodovod i kanalizacija“ d.o.o. Zenica za donošenje rješenja o vodnoj dozvoli za zahvatanje vode sa otvorenog vodozahvata na Babinoj Rijeci a za potrebe snabdijevanja pitkom vodom potrošača na području grada Zenica i ispuštanje tehnoloških otpadnih voda sa postrojenja za pripremu vode za piće „Crkvice“, na osnovu člana 139. stav 1. tačka 1. i 3. Zakona o vodama („Službene novine Federacije BiH“, broj 70/06) i člana 200. stav 1. Zakona o upravnom postupku („Službene novine Federacije BiH“ br. 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola pravnom licu, Javnom preduzeće „Vodovod i kanalizacija“ d.o.o. Zenica, za zahvatanje vode sa otvorenog vodozahvata na Babinoj Rijeci, a za potrebe snabdijevanja pitkom vodom potrošača na području grada Zenica u količini od 200 l/s i ispuštanje tehnoloških otpadnih voda sa postrojenja za pripremu vode za piće „Crkvice“. Vodozahvat je izgrađen na zemljištu označenom kao k.č.2110 K.O. Babino, a postrojenje na k.č. 143 K.O: Crkvice, grad Zenica.
2. Vodna dozvola se daje na osnovu dostavljene dokumentacije, izvršenog uviđaja na objektima, utvrđenog činjeničnog stanja i uz slijedeće uslove:
 - 2.1. Da se predmetni objekti održavaju u funkcionalnom stanju u skladu sa njihovom prirodom i namjenom i izdatim vodnim aktima.
 - 2.2. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenje ili uništenja.
 - 2.3. Da korisnik predmetnih objekata obezbijedi stalni i sistematski pregled vode, od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće.
 - 2.4. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće, propisane Pravilnikom o higijenskoj ispravnosti vode za piće („Službeni glasnik BiH“, br. 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.5. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži, a u skladu sa Pravilnikom o higijenskoj ispravnosti vode za piće.
 - 2.6. Da se redovno vrši kontrola uskladištenih hemikalija i obezbijede svi potrebni uslovi za sprječavanje zagađenja površinskih i podzemnih voda uskladištenim materijama.
 - 2.7. Da se redovno vodi dnevnik rada u koji će se unositi podaci o potrošnji svih hemikalija.
 - 2.8. Da se u cilju kontrole, evidencije i plaćanja količina zahvaćene vode vrši mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.9. Da se, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vrši redovno ispitivanje kvaliteta otpadnih voda uzimanjem uzorka efluenta iz okna za monitoring na mjestu ispusta u skladu sa Uredbom o uslovima ispuštanja otpadnih voda u okoliš i sistem javne kanalizacije („Službene novine Federacije BiH“ broj: 26/20 i 96/20). Učestalost i način ispitivanja vršiti u skladu sa članom 20. Uredbe o uslovima

- ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 2.10. Da se na području zaštitnih zona sprovode propisane mjere zaštite za izvorišta prema Odluci o zaštiti izvorišta vode za piće Babina rijeka zeničkog vodovoda, broj: 02-25-16985/03 donesenoj 06.08.2003. godine od strane Vlade Zeničko-dobojskog kantona. Ova Odluka je bazirana na tada važećem propisima, a u međuvremenu je donesen novi Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12). Usklađivanje postojeće Odluke je obavezno izvršiti prema Prijelaznim i završnim odredbama, član 15. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje.
3. Korisnik objekata treba da, u cilju kontrole, evidencije i plaćanja količina zahvaćene vode, vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1 i tačka 3. alineja 2 Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
4. Prava stečena po ovoj dozvoli ne mogu se prenositi na treća lica.
5. U ovoj upravnoj stvari plaćene su sve upravne pristojbe.
6. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
7. Po isteku važenja ove vodne dozvole korisnik je dužan ovoj Agenciji podnijeti zahtijev za izdavanje nove vodne dozvole.
8. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
9. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, JP „Vodovod i kanalizacija“ d.o.o. Zenica, obratilo se ovoj Agenciji dana 29.06.2022. godine sa zahtjevom za zahvatanje vode sa otvorenog vodozahvata na Babinoj Rijeci a za potrebe snabdijevanja pitkom vodom potrošača na području grada Zenica i ispuštanje tehnoloških otpadnih voda sa postrojenja za pripremu vode za piće „Crkvice“.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o izmjenama podataka o upisu subjekta upisa u sudski registar broj: 043-0-Reg-21-001134 izdatog 03.11.2021. godine, od strane Općinskog suda u Zenici.
- Ovjerena kopija Uvjerenja o poreskoj registraciji, izdatog 15.03.2012.godine od strane Porezne uprave – Kantonalni ured Zenica,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-1-UPJR/1-4461-4/14 izdatog 12.11.2014.godine, od strane Uprave za indirektno-neizravno oporezivanje,
- Kopija uplatnice upravne takse,
- Kopija Odluke o vodovodu i kanalizaciji, Službene novine općine Zenica broj: 8/11,
- Kopija Odluka o zaštiti izvorišta vode za piće Babina rijeka zeničkog vodovoda, broj: 02-25-16985/03 donesene 06.08.2003. godine od strane Vlade zeničko-dobojskog kantona,
- Kopija Rješenja o vodnoj dozvoli, broj: UP-I/25-3-40-440-3/17 izdatog 13.07.2017. godine od strane ove Agencije,
- Glavni projekat –Zahvat Babine rijeka, urađen decembra 1985.godine od strane Građevinskog instituta Zagreb,

- Glavni projekat vodozahvata Babine rijeke – hidrograđevinski i montažni dio, urađen maja 1991. godine od strane SP Unioninvest, DP Hidroterma Sarajevo,
- Glavni projekat uređaja za prečišćavanje (2 knjige), urađen 1956 godine od strane „Projekt“ Zenica,
- Pravilnik o održavanju, korištenju i posmatranju vodovodnih objekata JP «Vodovod i kanalizacija», maj 2002.godine,
- Kopija Rješenja o koncesiji za korištenje vode sa izvorišta Kruščica, Babina rijeka i Strmešnjak, broj: UP-I-07-25-35/02 izdatog 27.05.2002.godine od strane Federalnog ministarstva poljoprivrede, vodoprivrede i šumarstva,
- Kopija Ugovora o koncesiji za korištenje vode sa izvorišta Kruščica, Babina rijeka i Strmešnjak, sklopljenog između JP «Vodovod i kanalizacija» Zenica i Federalnog ministarstva poljoprivrede, vodoprivrede i šumarstva od 28.08.2002.godine,
- Izvještaj o atestiranju, verifikaciji i certificiranju elektromagnetnog mjerača protoka, urađen 07.04.2021. godine od strane I.B.E. Junuzović d.o.o. Sarajevo,
- Tabelarni pregled količina zahvaćene vode sa izvorišta zeničkog vodovodnog sistema za period 2017 – 2021.godina,
- Izvještaji o ispitivanju vode za piće za period 2019-2022 urađeni od strane Instituta za zdravlje i sigurnost hrane,
- Izvještaji o monitoringu kvaliteta i kvantiteta otpadnih voda postrojenja za pripremu pitke vode „Crkvice“ Zenica, broj: 1221/20, 1348/19 i 1344/19 urađeni od strane „Inspekt – RGH“ d.o.o. Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je obilazak predmetnog izvorišta te je sačinjen zapisnik o izvršenom uviđaju broj: UP-1/21-3-40-336-2/22 od 06.07.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Zahvatanje vode iz Babine rijeke vrši se otvorenim zahvatom sa pregradom na otvorenom vodotoku (Tirolski prag). Zahvaćena voda prikuplja se u sabirnom oknu i usmjerava na pjeskolov, a zatim do taložnih bazena. Iz taložnih bazena voda se usmjerava ka sabirnom oknu odakle se dalje transportuje na postrojenje za pripremu pitke vode Crkvice.

Postrojenje se sastoji od: ulaznog objekta na postrojenje, dva akceleratora, postrojenja za pripremu i doziranje koagulanta, filterske stanice sa brzim pješčanim filterima (8 filtrskih polja) i rezervoara za pranje filtera. Ispred ulaznog objekta nalazi se okno u kome je instaliran elektromagnetni mjerač protoka, koji registruje ukupan dotok zahvaćene vode sa izvorišta Babina rijeka. Kapacitet postrojenja je 200 l/s.

Uklanjanje taloga iz akceleratora vrši se čeličnim cjevovodom ϕ 400 sa zatvaračem kojim se reguliše ispuštanje mulja u muljna okna a zatim u Babinu rijeku.

Ispust vode od pranja filterskih polja vrši se u kanalizacionu mrežu filterske stanice.

U filterskoj stanici nalazi se i hlorna stanica. Dezinfekcija vode vrši se gasovitim hlorom, sa poluautomatskim regulisanjem doze hlora u zavisnosti od koncentracije rezidualnog hlora.

Voda sa postrojenja se gravitaciono transportuje u rezervoar Crkvice, a dio vode se prepumpava do rezervoara za pranje filtera.

Voda sa izvorišta Babina rijeka koristi se isključivo u sušnom periodu, osim za potrebe snabdijevanja vodom dijela bolnice, naselja Dujmovići i za potrebe samog postrojenja.

Kod većih zamućenja sa preko 1000 NTU kompletan sistem vodozahvata Babina rijeka se isključuje iz upotrebe.

Vrši se redovna provjera stanja izvorišta «Babina rijeka» a podaci o proticaju vode, mutnoći vode, količini hlora, nivoima vode u rezervoarima, sa svih mjernih mjesta telemetrijskim putem se prenose u dispečerski centar, gdje se vrši cjelovit nadzor nad operativnim mjernim parametrima.

Prema predloženim izvještajima kvalitet isporučene vode sa postrojenja zadovoljava kriterije u skladu sa referentnim vrijednostima iz Pravilnika o zdravstvenoj ispravnosti vode za piće.

Redovno se radi kontrola kvaliteta otpadne vode iz postrojenja za pripremu vode „Crkvice“ prije ispusta u Babinu rijeku. Prema priloženim izvještajima izmjereni parametri zadovoljavaju granične vrijednosti propisane Uredbom.

Federalno ministarstvo poljoprivrede, vodoprivrede i šumarstva je 2002. godine dalo koncesiju JP „Vodovod i kanalizacija“ d.o.o. Zenica za korištenje vode sa izvorišta Babina Rijeka za potrebe vodosnabdijevanja Zenice u maksimalnoj količini od 200 l/s. Koncesija je data na rok od 40 godina.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz prethodnog Rješenja o vodnoj dozvoli (broj: UP-I/25-3-40-440-3/17 od 13.07.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza u plate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 01.07.2022. godine konstatovano je da podnosilac zahtjeva JP „Vodovod i kanalizacija“ d.o.o. Zenica redovno izmiruje svoje obaveze uplate posebnih vodnih naknada.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JP „Vodovod i kanalizacija“ d.o.o. Zenica, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07).

Konstatuje se da je podnosilac zahtjeva JP „Vodovod i kanalizacija“ d.o.o. Zenica, ispunio minimum uslova za izdavanje vodne dozvole za zahvatanje vode sa otvorenog vodozahvata na Babinoj Rijeci a za potrebe snabdijevanja pitkom vodom potrošača na području grada Zenica i ispuštanje tehnoloških otpadnih voda sa postrojenja za pripremu vode za piće „Crkvice“, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Roksanda Školjić, dipl.inž.građ.

Po ovlaštenju:

Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- JP „Vodovod i kanalizacija“ d.o.o. Zenica
Ul. Bistua Nuova br. 17, 72000 Zenica
- AVP, ISV – Vodna knjiga
- Sektor 50,
- ⑥ Sektor 40, arhiva
- oglasna ploča – AVP Sava